

REGULAMENTO LIGA PROVINCIAL - COPA DEPUTACIÓN DE OURENSE TEMPADA 2020-2021

APROBACIÓN: ASEMBLEA XERAL ORDINARIA 06-02-2021.

REGULAMENTO

LIGA PROVINCIAL-COPA DEPUTACIÓN DE OURENSE DE PIRAGÜISMO TEMPADA 2020-2021

Art.1.- ORGANIZACIÓN

A organización técnica e execución da LIGA PROVINCIAL - COPA DEPUTACIÓN DE OURENSE-2020-2021 de piragüismo, correspóndelle á Federación Galega de Piragüismo, que actúa a través dos seus órganos executivos, xunto cos clubs organizadores de cada regata, que achegarán:

- Os trofeos para os tres primeiros clubs e preseas para todas as modalidades e categorías (por regata organizada).
- Embarcación de salvamento e ambulancia durante a proba.

Art.2.- PATROCINADOR

O patrocinio desta COPA correspóndelle á Deputación de OURENSE, que figurará en lugar destacado na publicidade que se realice da mesma e a Federación Galega de Piragüismo.

Art.3.- COMITÉ DE DISCIPLINA

Realizará esta función o propio comité da Federación Galega de Piragüismo, para todo o referente á copa e as súas competicións puntuables, actuando de acordo cos regulamentos vixentes.

Art.4.- COMITÉ DE COMPETICIÓN

Cada regata puntuable da copa terá o seu propio Comité de Competición que se formará do xeito que establecen os Regulamentos vixentes na Federación Galega de Piragüismo e que será o paso previo regulamentario para a presentación de reclamacións posteriores ao Comité de Disciplina e aos órganos superiores.

Art. 5.- FORMACIÓN

A Copa estará aberta a todos os clubs de piragüismo e seccións de piragüismo de entidades deportivas que estean encadradas na provincia de Ourense e que, tanto aqueles como os seus deportistas, cumpran a normativa de afiliación establecida pola Federación Galega de Piragüismo para a tempada 2020.2021.

Art. 6.- XUÍCES E ÁRBITROS

Cada regata puntuable, terá os seus propios árbitros e xuíces, que serán designados pola Federación Galega de Piragüismo a proposta do seu Comité Técnico de Árbitros. Ao termino de cada regata, o Xuíz Árbitro levantará unha acta de resultados que se lle entregará á Federación para realizar as clasificacións finais e o seguimento do desenvolvemento da copa, encargándose de lles entregar unha copia aos equipos participantes na seguinte regata puntuable.

Art. 7.- PARTICIPACIÓN

Individual.

Nas categorías prebenxamín e benxamín permitiranse piraguas de apoio, con adestradores ou deportistas adultos. Poderá ir unha piragua indicando o percorrido. Detrás de tólolos participantes (que non houberan volcado), permitirase unha piragua por club participante, axudando nas caídas e ofrecendo apoio, sexan ou non do seu club; en ámbolos dous casos sin interferir na marcha do resto de participantes.

Art.8.- EMBARCACIÓNS

Ao abeiro dos regulamentos específicos de cada regata puntuable, as embarcacións poderán ser: K-1 e C-1.

Art.9.- CATEGORÍAS

As categorías da COPA serán as seguintes:

- Caiac homes: cadete, infantil A e B, alevín A e B, benxamín A e B, prebenxamín.
- Caiac mulleres: cadete, infantil A e B, alevín A e B e benxamín A e B, prebenxamín.
- Canoa homes: cadete, infantil A e B.
- Canoa mulleres: cadete, infantil A e B.

Art. 10.- PUNTUACIÓNS

Os padexeiros puntuarán segundo seguinte puntuación:

- 1º Clas. 70 puntos
- 2º..... 67
- 3º..... 64
- 4º..... 62
- 5º..... 61
- 6º..... 60, etc.

Art.11.- PUNTUACIÓN PARA A COPA

A teor do artigo anterior establecerase unha clasificación dos clubs da provincia por regata, aos que se lles asignará unha puntuación definitiva, en base a seguinte:

1º Clas.... 70 puntos
2º..... 67
3º..... 65
4º..... 64
5º..... 63, etc.

A puntuación para os equipos que non participen en cada regata puntuable será de 0 puntos en cada unha delas.

Art. 12.- DESESTIMACIÓN

Esta Copa carecerá de probas desestimadas, é dicir, todas as regatas sumarán para a clasificación final.

Art. 13.- DESEMPATES

Na clasificación final da Copa, resolveranse a favor do que mellor resultado obteña no Campionato Provincial de Ourense.

En caso de empate nunha regata quedara primeiro o que mais 1º postos acade nas distintas saídas que puntúen de esa regata, de persistir o empate o que mais 2º postos acade, e así sucesivamente.

Art. 14.- COMPETICIÓN PUNTUABLES

Serán regatas puntuables desta copa as seguintes: (datas provisionais a falta do calendario oficial)

Datas	Organizador Proba	Lugar	Hora
	Escuela Orensana Municipal Piragüismo		
	SCDX Fontefría		
	Fluvial Avión Castrelo de Miño		
	Fluvial Allariz		
	Fluvial O Barco		

O **Campionato Provincial de Ourense** do ano 2021 será a regata organizada polo Club Piragüismo Fluvial O Barco. Se non se poidese organizar será a organizada pola Escola Orensana municipal de piragüismo. Será rotativa o resto de anos segundo decidan maioritariamente os clubs da provincia.

Art. 15.- TÍTULOS QUE SE DISPUTAN

O título que se disputa será o de gañador da Copa Deputación de Ourense de Piragüismo. Premio que se outorgará na última regata que se dispute.

Art. 16.- DISTANCIAS PROBAS

Distancias das distintas probas:

- 1.000 m. prebenxamíns, benxamíns A e B, alevíns A e B
- 2.000 m. infantil A e B
- 4.000 m. cadete.

Art. 17.- TEMPO DE CONTROL

- Prebenxamíns, benxamíns A e B, alevíns A e B: sen peche de control.
- Infantil A e B: 4 minutos dende o 3º clasificado.
- Cadete: 8 minutos dende o 3º clasificado.

Art. 18.- LICENCIAS DE COMPETICIÓN

Todos os padexeiros/as que tomen parte nesta Copa, deberán estar en posesión da licenza de competición debidamente actualizada para a tempada 2020-2021. Os clubs deberán estar ao corrente dos seus pagos coa Federación Galega de Piragüismo, conforme á circular de tramitación de licenzas.

Art. 19.- PREMIOS FINAIS

Esta copa prevé distintos premios económicos para os clubs. Non existirán premios finais de carácter individual.

A suma da contía final destes premios será o resultado da achega de 6.000€ (cantidad que variará dependendo das regatas disputadas) realizada pola Deputación de Ourense ou a Federación Galega de Piragüismo. O reparto destes premios basearase en dous criterios fundamentais:

- A) PARTICIPACIÓN: Segundo o numero de padexeiros/as (60 % do total)
- B) CLASIFICACIÓN: Segundo os postos conseguidos (40 % do total)

Explicación criterios anteriores:

- A) Participación:

Suma de todos os padexeiros/as que rematen en cada regata, cun total determinado ao final de todas as regatas. Una vez finalizada a Copa, divídese a cantidade destinada a este apartado, entre o numero de padexeiros/as que rematen de cada club, o que dará o valor da cantidade a recibir por cada club.

- B) Clasificación:

O 40 % da cantidade total dividirase entre os 5 primeiros clubs cunha porcentaxe do 30 % para o 1º clasificado, o 25 % para o 2º, o 20 % para o 3º, o 15 % para o 4º, o 10 % para o 5º. De non haber 5 clubs participantes a cantidade sobranse destinarase a incrementar a cantidade por participación.

Art. 20.- CAUSA MAIOR

Se por causa maior, allea á vontade dun club, este non puidese tomar parte en calquera das regatas da Copa, a Federación, se o estimase oportuno, e tras o escrito de alegacións do club, outorgaranlle o 10 % dos puntos que conseguise o club clasificado no ultimo lugar da regata na que se produciu a ausencia.

De non quedar demostrado que a ausencia se debe a causa maior, quedará excluído de calquera premio e puntuará 0 puntos.

Art. 21.- COMPETICIÓNS RESERVAS

Se por calquera causa non se celebre algunha das regatas puntuables do programa, a Federación Galega de Piragüismo, decidirá sobre o adiamento, a súa substitución ou a súa anulación definitiva para todos os efectos.

Art. 22.- OUTRAS NORMAS

Para as normas non recollidas no presente Regulamento, serán de aplicación as establecidas no Regulamento Xeral das Ligas Galegas, e os regulamentos específicos de cada unha das regatas da copa, regulamentos e estatutos da Federación Galega de Piragüismo, ou no seu caso, no Regulamento Xeral e Técnico de Competicións da Federación Española de Piragüismo. So poderán participar clubs da provincia de Ourense.


A participación dun club neste programa, a calquera nivel, implica a aceptación das presentes normas. A Federación Galega de Piragüismo e os organizadores das regatas puntuables non se fan responsables dos danos que se lles puidesen causar ou sufrir as embarcacións e demais materiais dos participantes, tanto no traslado ás regatas como no seu desenvolvemento. Lémbrese a obriga de levar sistemas de flotabilidade nas embarcacións e do correspondente chaleco salvavidas nas regatas de promoción e naquelas outras categorías nas que se especifique.

Art. 23.- INFORMACIÓN

Para maior información poderán dirixirse á Federación Galega de Piragüismo, Tfños de contacto: 986842106 e 986896537 , fax 986851108 e e-mail: kayak-canoa@fegapi.org

Pontevedra, 06 de febreiro de 2021

Vº Bº
PRESIDENTE



SECRETARIO

